



słowo tygodnia

## ŠUKOTAĆ RĚKA

č. 38

- a) wodu zlochka warić dać
- b) pěsk přez křidu sać
- c) šepać, mjelčo rěčeć

Prawa je wotmołwa **c**.

*Šukotać woznamjenja, někomu něšto mjelčo zdželić, tak zo to nictó dalši njezrozumi. Słyšeć při wšěm něšto je, hdyž na přikład cyła žurla połna ludži šukota, je to tola chětro wótře.*

### Takle móžeš tež prajić:

- šepotać, šeptnyć, šepać, kaž myška pišpotać, mjelčo prajić

### Přikłady z rěčneho korpusa:

Při tym słyšach, kak nan pinčnikej *šukotaše*: »Jednu cyłu blešu na blido!«

(Křesćan Krawc, Wočakńmy nalěčo. Budyšin 1989)

Tute hromady napisaneho materiala, zwjetša w serbskej rěči, nětko skedźbnje přehlawowachu a mjez sobu *šukotajo* sortěrowachu. (Serbske Nowiny 2007)

Hdyž jej swěrný Zaklika, kotryž wótrej wuši nastajowaše, zo by słyšať, što so po dworje šepća a *šukota*, wo tych sukanych syćach powědaše – potom so Kozelska jenož z horda směješe. (J. I. Kraszewski, Hrabina Kozelska. Budyšin 1956)